


蘆山縣志



蘆山縣志序

天下有天下之志一方有一方之志天下之志蓋集四方而成之者也如禹貢周禮凡貢賦職守風俗土產靡不俱備摠以天下一統王道之經緯所必及也蘆山以彈丸天末獨造一隅於叢山峻嶺之間漏閣鑿之夏王靈山鏤之漢使自唐虞迄今四千一百餘年列之版圖其間山川之源委命名之同異城池之遷違學宮衙署

之興廢以及賦稅人民之繁雜人物文章之盛衰自應無不備載邑乘之中其如甲申兵燹文獻一空則前無所稽後無所鑒非一方之缺乎雖屢奉

綸音加意纂脩狀僅附之蜀志雅志而蘆志尚未分成則十室之忠信十步之芳草未免無所遺也

國家治平日久蘆固巖疆而科甲宏開戶口增益廬室參差煙火百里倘無

紀載何以表

聖天子之德澤無疆乎予以浙東書生
叨宴瓊林奉

簡命來守茲土於今四載恒欲取一邑
之建置沿革以為一書乃詢之邑人
僉曰竹全仁字冬茁乃祖水生以川
南宿學名儒墨莊素富冬茁繼述博
聞不事時藝沉潛理學筆底古奧予
公餘延見囑以纂脩偕孝廉竹錦堂
副薦王化行以及庠齋恒齡竹子啟

泰陳子輩淨掃間軒三匝角軫引摠
志州志為質疑探斷簡殘編為証據
恭之以輿圖考之以史載粗成二冊
予復遍訪紳士質之父老毫以差謬
校而訂之以付之梓一邑之山川命
名城池學宮衙署賦稅人民人物文
章燦若指掌更因吟咏以考風俗申
表揭以觀治化仰

聖朝之涵育薰陶 當路之澤流惠盍
化白蒂黃芽為醴泉芝草變荒烟斷

隴為景星慶雲即一邑而天下之昇平加隆德音可槩推矣將來採風者上之

丹陛附之圖尾一邑之志不幾集成天下志乎予得序之以弁其端

皆

皇清康熙己亥仲冬之吉

賜進士出身文林郎知雅州蘆山縣事加一級紀錄二次丁酉科同考試官開陽楊廷琚氏頓首撰於對花樓之

官署

蘆山縣志目錄

首卷

路界

星野

建置沿革

城池

樓閣

風俗

學宮

鄉賢

蘆山縣志

卷之首

仕宦

隱逸

流寓

次卷

誥勅

祠祀

仙釋

枋表

風詩

形勝

山川

貢賦

衙署

關梁

秩官

名宦

學校

科第

節孝

古蹟

墳墓

土產

寺廟

附碑記

縣景

籌邊

蘆山縣志目錄終

蘆山縣志

邦侯李弘澤總裁

邑侯楊文彩

劉延琚鑒訂
儒學李長年校正
縣尉李士會

一路界

蘆山縣至雅州一百里至成都省會五百五十里至

京師一萬一千三百里正路出東南二門渡水東河過樊任二堤張公橋新安舖橫山老君溪入關城界縣界止此關城屬州地出大灘腦連三坡龍揭

蘆山縣志

卷之首

二

蓋二郎廟多營平過宋村渡入雅州西門

蘆山小道出縣東門過龍河登八步關縣界止此

過魚喜河越鎮西山下火井入邛州西門先代小

路深箐難行今因

朝廷命引發茶關險成梁竟為通省會便道為天全

二土司過縣出入必由之路

蘆山東界羅城山綿亘八十里自鎮西山起歷孫

公嶺至飛仙關

蘆山南界自飛仙關城溯羅帶水至三江口

蘆山西界自三江口從流上隔糧坡山分嶺水分

心與天全州分界

廬山北界自隔糧坡抵金波崖靈鷲山靈源洞東出魚喜河與天全分界

內西界水東鄉六半黨小土坪縣民買土承縣糧間於天全界內

內北界靈關關城屬廬山縣靈關後屯綏川亦間有縣民縣地承糧載冊

一形勝

廬山遠居天末彈丸一隅非名城大都形勝似無煩講也然左思蜀都賦載關靈關而為門又蜀志

廬山縣志

卷之首

三

云瞿塘為前門靈關為後戶河圖括地象熊耳靈關為後戶夫靈關廬之北境也天下總輿考載碣門臂視諸番夫碣門廬之西境也可見廬雖山邑邊界防維咽喉保障亦有關於蜀之重輕則形勢又何可畧哉

東羅城山又俗呼羅純山志名始陽山蓋山勢綿亘如羅城羅純則從山外雅州鄉名而呼之也志名始陽山者日出於東若陽之從茲始也其山路可通名山以及邛州板木緣崖難於縱步不通牛馬聲鳴山應大南隨至

南飛仙關禹貢和夸底績地也崖如刀截壁立百
仞中通一線古名多功峽俗名多功河謂禹治水
之功到此加多也關名飛仙謂惟飛仙可渡也
西靈鷲山即西漢司馬相如所鏤之靈山也其山
外則靈關有漢使司馬相如鑿靈關道碑一所字
皆漢隸傍則總志所載之百丈山即金波崖關外
則董卜韓胡地也長溪短溪山無正路由之則開
舍之則塞間以木梯橫空攀仰而越徒杠崖懸亦
棧道類

北八步關鑿石成階僅八步下則河水飛奔上則

蘆山縣志

卷之首

四

山石巖巖欲下

古志云始陽東峙大渡北流 明志云靈關碣之
之咽喉臨邛雅安之屏翰

大清志云東則羅城綿亘南則漏閣扼塞西則沫水奔
騰北則八步天險

竹全仁曰炎鼎存劉戴中山為正統鐘簏奠李廻
劍閣以中興是知忠義者莫如蜀土也守一隅而
安錦水留貞銘於駝荆殲二士以表丹心藏忠魄
於龍尾是慕節義者莫如蘆人也蘆之峯巒端峻
氣脉清奇必有如眉山三蘇應草木之枯而生大

展其名儒正壬之風以為光於斯邑者地靈人傑
豈虛語哉

一星野

蘆山禹貢梁州南之盡境上分鬼井之次八參一
度

按鬼井屬南方參屬西方次八間之所謂西南之
隅坤維之地井八星二十四度主泉水亦主諸侯
帝戚三公之位 鬼四星二度主鬼神祠事參十
星十度主忠良孝謹

竹全仁曰井者條理也鬼者文星也加以參之忠

蘆山縣志

卷之首

五

謹故蜀之張氏父子忠勤理學炳烺乾坤蘇氏父
子節義文章燦爛宇宙蘆邑雖崖疆正坤維之環
端豈無分星野之靈而苞符其間者勿謂天文家
無足憑也

一山川

龍尾山 治脉來龍七里形如龍尾故名

佛圖山 治西南常有聖燈連絡上飛靈山天氣晴
明夜見或雨後亦見由一生十至數十照

耀山城總志
輿圖俱載

明李東揚詩

閒訪維摩不二禪青驄馳上佛圖巔山前山後重

重景城外城中淡淡烟霜雪不欺棲鶴樹塵埃難

近講法筵飲餘回首下山去雲鎖柴扉月映川志

始陽山治東十里俗呼羅城山西魏名治以日之

百步山治北四十里路多險阻難行

蘆山治東九里樹木叢雜又云縣龍如蘆根到

龍頭山治東十里名天嶠如龍左則為麒麟溝以山

龍虎山形似麟又名龍麟山取龍麟聚會之意

靈山俗呼靈鷲山治西北十里與圖列蜀之八

勝漢書云通靈山漢司馬相如云鏤靈山
為通番安路志總山形如蓮蕊四圍鏤紛龍
蟠帝座梵刹盛憂有雷挿殿佛圖燈光夜
至殿中及早視之乃人間未有之木葉也
其下有三昧水一鉢滿而不溢抱病者飲

蘆山縣志

卷之首

六

之即愈又有天生橋馬鞍山山前釋子照
聰建有文星樓石金波崖高百丈下為沫
水晴空則間有光現於崖下又云其下有
麟麒下抵芭蕉灣中抵三江口麟出則光
現大約悉山靈所致

明朝列大夫竹窰天橋詩字心齋

一派嶙峋接地生誰人不說是天成仙風隔絕無來

往故設慈航渡眾行

馬鞍山詩

殿前馬擁雲端日出丹霞掛繡鞍不是風鞭策不

動為留勝槩古今觀

竹全仁靈山文星樓碑記

西川靈鷲山高聳雲外離天尺五居八勝列鏤於西
漢開之為門久入蜀都之賦倚若後戶早歸形勢之
圖祇園之勝毓秀之源設險守國之意畢俱焉其前
則天生橋轉而疊起獨峯上插青霄下起龍脉建之
層樓命曰文星蓋取靈隱寺詩柱子月中落天香雲
外飄之意名不逃禪形不落俗萬山如螺萬水如帶
日照則全世界雪砌則玉乾坤東眺漏閣壯禹績之
神南俯佛圖羨山靈之永西望天全敬藩之帶礪北
瞻董卜愛天外之享玉若逢王勃盧襄輩其揮之筆
底者不知若何富麗也雖然黃州岳陽酸風未退籌

廬山縣志

卷之百

七

邊閱江迂冗堪悲斯樓雖地當蜀未然雄峙清幽似
甲天下且衲子照聰有晉慧理風味創修始於壬辰
落成在於戊戌予盛夏避暑於茲援筆之石蓋以地
高勢峻呼吸與天相通所以不敢文飾其詞者恐驚
天上人爾

崖鉢山 治西一百里其山上下雲漢莫測其高崖上

七里山 治北七里從此發脉為縣治每年三月三日
邑人鼓樂會聚如難之度云蟠桃會以祈年
也爭奪秧標

月光山 治東北五十里間有光如月故名

龍門河 治東北五十里元至正五年二龍爭飛噴石
百里歷死居民無數故稱龍門其水一自叩

州九子山界西流一自繳水外經冷砧河南

聖水 入平雅州雞峽口過魚喜河八步關清源

老君溪 治東湧十里連筒引之行一里許伏流流三

明李東陽詩 君傍崖上老君像尚存

老子猶龍神莫測宿溪仙跡是誰傳青牛遠遠從關

出紫氣融融向日邊道德一經開後聖色空二字洩

先天流沙西去不知處遺像猶然覩遊川

清源河 治北自靈山祖龍下發源出雲峯洞後深潭

廬山縣志 卷之四

之三以石灰苦葛投之即雨河至縣合龍門河

沫水 治西二十里出靈關過靈山全波崖今名銅

竹全仁曰唐虞名和夸商周名羌漢之沫水經靈關

繞靈關方崖會龍門清源水下羅帶會和水羌水

榮經來者為和水自共為青衣水古詩云想見青衣江

畔路白魚紫笋不論錢即此地也有禹跡所及廬山

已入九貢即江水亦領派於斯以視周王轍迹不至

謝公展齒不及之地為何如耶

驛站無

一鋪遞

乾隆元年為請復設川省鋪司等事額設鋪遞四鋪
共設司兵八名每名每歲給工食銀六兩共銀四十
八兩

底鋪 在城

新安鋪 二十里

橫山鋪 四十里

飛仙關 六十里 交雅安縣界

一建置沿革

蘆山縣志

卷之首

九

蘆山縣禹貢梁州之域同雅州在商為氏羌地周屬
雍州秦徙楚莊王之族以實之立嚴道縣屬蜀郡漢
因之晉屬漢嘉郡李雄時廢宋齊梁無郡縣仍羈縻
於益州西魏生聚日繁為始陽縣屬蒙山郡隋廢郡
為蘆山縣屬雅州宋大業初改屬臨邛郡唐復屬雅
州尋改蘆山郡乾元初改大渡縣復屬雅州五代孟
知祥置永平軍宋仍屬雅州元至元中改屬嘉定路
後改州為碣門黎雅魚通長河西寧遠等處安撫司
尋改宣慰使明仍為蘆山縣屬雅州

清興因之

秦嚴道漢屬蜀西魏名始隋山縣宋名大元嚴道
明復名蘆山編戶
明二里屬雅州
一貢賦

明代蘆山縣原糧 二千三百六石三斗一升七合
一勺二抄人丁二千五百四十三丁 丁糧共徵
銀二千七百六十七兩五錢八分五毫四絲四忽
皇清順治四年何縣丞奉行減二徵八 去糧四百一
十五石七斗七升一勺六抄 減銀四百九十八
兩九錢一分四厘一毫九絲二忽存糧一千八百
九十石五升四合六勺九抄六撮 徵銀丁糧共

蘆山縣志 卷之首

二千二百六十八兩六錢五分六厘三毫五絲二
忽

康熙二年奉文大京載糧三百八十一石七斗五升二
合六抄 丁糧共徵銀八百二兩八錢四分一厘零
康熙二十五年奉行

為曉諭蜀民等事
加糧一百六十六石五斗八升八合七勺
共徵丁縣三百五十兩三錢四分二厘零

康熙三十年奉文
為直陳東省等事

增糧一千一百九十一石七斗四升七抄

共增丁糧銀二千五百六兩二錢七分四厘零

雍正七年奉文查丈除 藉田四畝九分不徵丁糧

外

黃冊載徵丁條糧銀三千四百五十八兩五錢三分九

絲八微九塵八纖遇閏每兩徵閏銀四分五厘七

毫三絲五忽七微四塵三沙七湫九漠二埃

鹽課

雍正八年十二月內欽奉

上諭事計口授鹽認銷嘉定捷為水陸二引

廬山縣志

卷之首

十一

徵鹽稅銀一百八十四兩一錢四分二厘四毫

茶課

雍正八年十二月內欽奉

上諭事按引權課行銷腹引二張

徵茶課稅銀七錢五分

現載

黃冊共糧一千七百四十石八升一合八勺三抄 丁

糧共徵銀三千六百五十九兩四錢五八厘零

明制天下府州縣編賦役黃冊以一百一十戶為里

而催丁糧多者十戶為長餘百戶為十里之十戶名

曰全圖其不能十戶或四五戶若六七戶皆名半圖里各編一冊冊首為摠圖線寡孤獨不任役者則係千百一十戶之外著之圖尾曰畸零冊
廬山鄉分三水東龍門清源照明制分里分甲定役康熙二十三年縣正遲熯議不分里甲照糧均攤除紳士外每年輪流應里排身役其雜役亦照糧起科遂為定例
其煙役即差役例也康熙三十五年縣正羅之熊以廬山城分四街鄉分十二黨除紳士外每年輪流應保甲黨甲遂為定例

廬山縣志

卷之首

十二

按廬山崖邑斗城偃草從風惟上之令守土俗安舊制童而聞之長而經之亦如擊壤之農忘帝力於何有耳但蕞爾一區萍聚子遺土瘠人滿斗種斗糧承糧者此民承烟者此民若涿味文侯反裘之喻尹鐸繭絲之言寧為倪寬不為巨源寧為陽城不為嚴武造一隅之熙皞登彈丸於時雍是所望於賢明之父母也

一城池

舊廬山縣在龍門清源二水合聚之間蜀漢姜維建土城週圍二里世名姜城
始陽縣在龍門水金鳳山之陽西魏建今廢

大渡縣在清源水之西靈山之麓亦名嚴道縣宋建

廬山縣明成化中興史汪浩就姜維城拓之建石城

週圍五里外環以濠上色金井之閣下連姜

城之麓東臨龍門河西北倚清源河前文筆

相傳始建之日浩欲僅底龍尾山麓守禦百戶竹鳳

以為不上圍山頂則城不能守賊如俯視即知虛實

於是自率所軍築三大

廬城雖非百雉然形勢頗壯石砌亦堅倚山臨河預

立難拔之槩明末天全土司攻廬流寇賊官李國傑

四十日不能破蓋由城建得所雲梯樓車未可即施

廬山縣志

卷之首

始信竹鳳之先見為不誣也

一衙署

廬山縣縣衙之所

治內西北明代舊基康熙五年縣
正張啟鼎新招廣濶建樓於內孫
雲鏡繼之愈增華彩羅之熊立箭
道八角樓芙蓉亭植梅桃百株年
久漸頽縣正
楊修補復舊

縣丞衙一所裁廢

主簿衙一所裁廢

典史衙一所康熙五年蘇人陳漢回修建王廷衡蔣

巡按分司衙一所康熙五年蘇人陳漢回修建王廷衡蔣

撤兵改
為義學

儒學教諭衙一所

治內學宮之右康熙九年江舟楫建康熙三十年段朝偉改就明倫堂康熙四十五年羅廷瑞重植二桂於明倫堂外

博文齋

約禮齋 明倫堂左右俱燬

儒學訓導衙一所

治內文昌宮之左黎廷相建

靈關巡檢司衙一所

在靈關城內裁廢

守禦蘆山縣鹽井所百戶衙一所 裁廢

陰陽學訓科

在治前前代衛族世襲俗呼衛士官穿衣廳燬廢

醫科訓術

在治前前代李族世襲俗呼李士官穿衣廳燬廢

僧會司一所

蘆山縣志

卷之首

道會司一所

申明亭

旌善亭 俱治前燬廢

迎送亭 治東二里燬

演武亭 治東郭外燬

迎恩亭 治南郭外燬

養濟院 治西城外燬

漏澤園 治西石枋存

一樓閣

平襄樓 北宋時建尚存

對花樓

宋黃廷堅建與東嶽廟相對在廣福寺之前樓燬址存

江城樓

康熙五年縣正張啟鼎建

金井閣

明竹密建

明朝列大夫竹密金井閣碑記

按蘆山縣來龍起自七里山辭樓下殿分枝劈脉兩水界傍至寶子山結雲錦之帳搏換水星一里許號曰龍尾山成縣治焉東峙貪狼西照太陰火炎於南土居其中崑然成五星聚講之局亦云偉矣自建邑以來歷唐宋至我明時科第興起不常者何哉說者僉為學宜南向學後金井崗雖蜿蜒而久特達出脉處

蘆山縣志

卷之首

十五

雖成水星而少波浪宜建樓閣以聳主星余密於丁巳之年解綬歸捐金百餘率眾改東向南夫文筆正南方火星也以地之靈值午之歲故一時濟美人文稱盛非天時與地利所致也是歲春正偕學博黃君諱鑑臨邛人陟斯巔而眺望焉遂有建閣之謀即命堪輿擇向定基坐甲向庚壬申年七月平基至十月初十日豎樓閣一座鄉官竹可樑廩生竹應宮所建也樓之下魁神其像善士張進所塑也正庭三間神像龍門隱士楊萬文所塑也前曹門五間左右廊房三間後有空塚誌書載將軍墓相傳姜公諱維曾築

城於縣遂以為此公之塚及查三國志此公為鄧艾所
刺亡於成都剖之胆大如斗此塚未必是此公也亦
以漢將遺跡石坊表而留之土地堂并像善士黃學
所修也厥功所費余與男樑柱楹高等共捐銀谷百
兩首倡採木鳩工不辭勞苦不避風雪至於分日供
匠男柱高與萬文任其費士民商賈捐助於崇禎五
年三月內樓閣正殿曹門廊房俱以蓋罩若白衣菴
鄉官可柱與鄉官王家禎祈嗣修建外余捐貲買戴
宅沙地一塊在閣後舒宅沙地二塊亦在崗後又水
東駱繼重水田一斗係楊萬文所遺也每年租二石

蘆山縣志

卷之首

十六

一石以完錢糧一石納閣以充性容焚獻常住未及
一年而厥工告成庶幾主星屹立登高四顧指九天
為大廈望兩江於衣帶萬里來龍突生頭角聳玉柱
以參天奠金鰲而駕海朝陽之地漸培梧桐萋萋高
崗之上徐聽鳳凰喈喈吾庠之騰踏飛黃者蓋不止
此也斯舉也因以助風氣尤以安聖神為士民朝拜
祈禱之所見像作福未必非興起為善之機也嗟乎
不為之倡則前工孰創不為之識則後人誰考刻石
記事以垂不朽倘天道有知其鑒予之哀士民有心
其念予之苦若施而望報非余心也謹識

崇禎癸酉撰

竹全仁曰先大夫謂此塚非此公蓋避嫌也敬詩以辨之即先人亦無敢諱恐失真也知我罪我俟之明見

九代中原世重姜得收斗胆葬蘆陽山高猶憾乾坤小水遠如流節義長北慕李陵難與比西湖武穆始堪方前人誤謂非公塚俠骨忠魂何處藏

一關梁

靈

關

一名臨關漢建明設巡檢司查驗董卜出入屬蘆山今載志

宋薛田成都百韻倚劍靈關凌絕頂又古詩

諸葛提兵大渡津河流禹鑿迴如新彩雲城廓了無

蘆山縣志

卷之首

十七

跡黑水波濤亦有神象馬遠來銅柱貢大羊不動鉄

橋塵靈關在眼手于掌歲歲蒲茺首菡春

飛仙關

治東南即古漏閣地兩山夾峙大河中貫一夫守之百夫若踰關城屬雅州宋代建設守

禦司明廢司官城存

八步關

治北通邛州路

飛仙石橋蘆邑侯張啟鼎修

分司橋邑侯張啟鼎修

壽山石橋明修

蒲塘石橋清建

張公橋

邑侯張啟鼎建鉄索橋年久毀圯邑侯張緒典史蔣進禮改建

修重

羅公橋

恒城西康熙丙子邑侯羅之熊修因河水暴急

索橋

治北十里名龍門渡明以竹索為橋途邑人德焉

河中石嘴鷓有石墨載酒時遊處數字書之者雅安

傳進士石墨即蘆山縣程孝廉也

沫水鐵索橋治西即周村下橋與天全連界上橋在天全

叙府張思來視叔陳丹仙於沫水詩

沫水日夜響東流鉄鎖橫飛枕上游世路險夷空裏

渡人生踪跡空中浮天涯何處稱知己故國誰能老

蘆山縣志 卷之首 十八

白頭一自相如通竿道幾回車馬野雲愁

小板橋治北明鄉宦竹載建

大板橋治北今易以石

周村堰治西由隔種坡出周村邑侯羅之熊重門其

馬口堰治北自高山懸視而下灌溉一方邑侯孫震

龍洞堰治西北由靈山中龍洞懸視四十八丈下山

天生堰今名侯成堰

大橋治北今易以不

高橋治西門外向有低板橋春夏之時河水汎溢

透添堰治東羅令修後圮橋係土溝乾隆十年縣

令曾符升重修典史凌士鐫督修用石翻砌

龍王堰

油灰彌縫堅固
治東坳坳
典史凌士
水處名魚
沖坳今用
治北坳自
一堰灌溉
十修年

湍古堰

石懸木視一堰灌溉
古懸木視一堰灌溉
城坪下
十餘丈
湍溪下
乾隆上

周村堰

治西愈盛有
水愈盛有
治西愈盛
重修年
十修年

馬口堰

治北重高
十治北重
治北重高
山有西北
龍洞堰

龍洞堰

山有西北
龍洞懸木
乾隆七
年典史
凌士錮
勸民

天生堰

治西北
曾符升
典史凌
士錮捐
用石砌
堅固

蘆山縣志

卷之首

十九

候成堰

治西北
水合而
成堰灌
溉十羅
令開創
又引天
生堰之

隔糧堰

治西羅
令間築
板以免
沖損
去
士錮督
修易
以石
砌中
開開
口用
木
板
開
水

鄉先生竹雍朝碑記

堰名天生由來久矣然堰之所以得名者蓋自峽口

大石之間江流分瀉澎湃而出其源來遠而湍急其

勢趨下而疾注籍使早施人力則瀕江南畝可以悉

資灌溉此誠天生自然之利而惜乎前人憚於謀始

未及經營僅就峽口分流處所引溉橫溪以上之田

橫溪而下以及繞郭膏腴未得盡沾其利堰名天生
不過橫溪以上之舊名耳我邑侯羅公蒞任之初周
諮民隱博採輿情履畝勸農之暇相彼原顯毅然舉
工蠲貲俸備鋤鍤於橫溪以上則議幫議築以裕水
源於橫溪以下則議疏議鑿以開水道不數月而田
間溝澮錯落縱橫遠 皆沾蓄洩高下盡成沃壤較
之從前之利奚啻加倍有餘一時士民交相額手曰
今日之堰候成之也因更其名曰候成堰夫始曰天生
以言乎先天也今日曰候成以言後天也皆所以誌喜
也者周禮遂人掌野匠人治溝王政之所重自古有

蘆山縣志

卷之首

二十

然乃三代而後上下因循棄而不治且吾蘆為極邊
之臨是邦者又孰音以牛刀小試而我侯獨鯁鯁焉
以王政為重宜乎士民之歌功頌德勒以垂不朽也
爰為之記

青龍堰

治址樸頭琪邑侯羅之熊創築沙堤建以桔
棹數十座炊耀人日水灌田畝天旱無憂

下源琪高柳頭

即舊大渡縣

索橋高柳頭

鄉人王登薦相其基址年修數座鄉人
賴其創建苦水琪之名可以不存也

安益堤高柳

西水高柳

柳俗名也始於陳仲子原曰桔棹三鄉無堰之處悉

資取水惟下源索橋安益西水地勢深險厥功愈艱
古大渡

古路由三江渡經佛圖山入大渡縣自屠侯甫定疆
界軍民不混閘險成梁另開水東垣塗三江大渡俱
不由也

宋蘆山進士楊巽大渡縣詩

大渡城南大渡河平流如掌絕風波騰空天馬早烟
霧拔地文星卻綺羅靈鷲蟠龍毓秀遠佛圖嘯虎鐘
英多彼蒼眷我崖疆重勝槩生成永不磨
一風俗

蘆山縣志

卷之首

三

蘆山上古風俗未載大約山深水靜樸厚居多宋元
無異姓惟衛李二族明則或宦留於斯或流寓淹久
生聚繁夥遂成世業而民風增飾

載雅志云 樸素無華勤儉有守

明代三百年間蘆民年七八十翁未嘗出飛仙關不
尚逢迎即登甲第而老嫗猶呼其乳名蓋未雕琢之
故也

鄉人謠以相戒曰莫擾公堂莫入戲場公堂易遭刑
辱戲場易溷時光我豆插我秧一籽落地歸倉 有
殺猪以易谷者咸相謠戒曰一斗谷稱斤肉一斤肉

量斗谷不如不吃一斤肉也不量那一斗谷留來六月煮粥

無論富貴貧賤皆樂教子讀書詩講禮教樵子販夫悉識字義各守生理不假商債

地方褊小三鄉皆川流中貫土厚二三尺即呼沃壤其餘石沙溷雜薄土浮泥甚至山脚梯田橫順不滿一弓農屈指計田塊偶失二坵蓋為簞笠所蓋而不見也早年山田厚收而原田薄收兩年而原田有年山田無年惟力耕火種於山腰之間以交賦稅婦女悉拮据竭力於畝畝即鄉塾皆粟粒洽比惟雞酒非

廬山縣志

卷之首

二十二

過險也歲之所入不足餬口即如彼家有田一石生子三人則每子僅三斗之餘也子如再生三子則每子僅一斗之餘也安得不貧困至極安得不就食他邦其忠謹愚魯者則寄衣食於兩肩兩足之間背運茶包等物以守祖宗墳墓以安故土且順治戊子己丑之年斗米三兩斤肉三錢則穀死而金生康熙甲子乙丑之年低銀六分甕酒分半則穀生而死嗟嗟高負重血汗長流力軟筋疲芒鞋皆破總之賣糶絲谷穀玉豐函鐘岳毀鳴海田滄桑廬民無日不在勞苦中也

恒以敬神為樂每年八月十五日相傳為姜侯盡節之日立彩樓四十八座高十餘丈鼓樂會場聲震通

宋蘆山進士楊巽彩樓詩

邊黎重節義高聳豎豔珊瑚彩色凌霄漢鼓聲震俱區無塵興夏鼎有脚舊麟圖恍若天梯近扶觀塞道塗

一秋官

漢設令一員屬蜀郡

隋唐設縣令一員屬臨邛

宋設知縣一員屬雅州

元省以嚴道

蘆山縣志

卷之首

二十三

明設知縣一員

縣丞一員

主簿一員

典史一員

儒學教諭一員

訓導一員

靈關巡檢司一員

守禦蘆山鹽井所正百戶一員

副百戶一員

皇清蘆山縣設知縣一員

典史一員

儒學訓導一員

康熙三十年添設儒學教諭一員

康熙三十九年設分防守備一員

五十年黎雅副府李玉斯詳請奉

旨 撤歸

雅州知州

明

孫籌

知榮經縣署雅州雅蘆爭羅城界籌親臨山嶺以東屬州嶺以西屬縣山嶺立碑一所書孫公嶺三字

蘆山縣志

卷之首

二十四

項聲國

南直進士蘆山天全爭界聲國親臨判斷山分嶺水分心今踏斷處台基猶存

皇清

李成棟

湖廣文武進士臨蘆均糧民戴其恩

姚銳

攝蘆事公平正直後蘆民德之立德政碑

李容之

奉憲勘蘆民田畝處決公平蘆民頌之

楊文彩

以分府特授

蘆處字下悉托庇蔭凡奉

簡書以臨邊即為下

邑之公祖總紀則繁失志則畧惟車騎曾經姜城

崖疆親覩顏色龍光在望芳跡已著特表姓字永

佩儀型云爾

蘆山縣知縣

明

歐陽寧

黃顯

羊亨

趙良

周安

朱淵

周裴

屠巒

蘆山縣志

李一本

陳表

汪浩

陳百萬

陳珮

王猷

明代父母不能盡紀惟稽有遺蹟遺文者載之以誌不忘

皇清

周鳳儀

周鳳儀

永康人由進士任都給事調蘆山賑窮恤孤遠近懷之陞僉事屏奸去暴興事成當卒於官

事見籌邊

卷之首

張啟鼎 滿洲籍

顧向 浙江舉人 本朝恢復辦餉勤勞振拔士

遲焯 滿洲籍

孫雯鏡 浙江貢監

羅之熊 旗下廕生 勸民裁桑修堰建鐵索大橋陞

沈士本 由浙江進 有蘆留集

沈杰 邛州牧 署縣事有治聲百姓為之立枋曰

張緒 江南舉人 蘆人稱曰第一仁慈父母

王瑋 旗下舉人

李弘澤 名山知縣 署蘆事政教精明士民戴德有

蘆山縣志

卷之首

楊廷琚 由浙江進士 蒞官仁厚學問敦實以端致仕

劉時遠 由湖廣舉人 下車之日即除行戶市野安

明典史

李彪 署主簿

孫鴻駿

皇清

陳漢回 蘇州人 精勤愛民各寺廟俱懸匾額

王廷衡 浙江人

竇丕 名山典史 署以能名

鄭九常

蔣進禮 河南人慈愛待民卒於官人思慕不忘

謝承茂 名山典史署

胡翔 山西人

李士會 浙江人

明

儒學

楊林

向時雍

潘家

石瑛

蘆山縣志

卷之首

二十七

汪千里 揮毫古勁詩句清奇

皇清

高飛雄 汶州人恢諧有度

江舟楫

段朝偉 簡州人舉動循禮訓誨不倦

楊鑒 瀘州人靜養足法

明百戶

竹銘 元將竹真之孫洪武十三年缺雲南留守

竹斌 二字缺四川都司龍泉衛世襲右衛指

王忠 副百戶全監修城

竹兆夢

自銘世襲八世至兆夢
本朝加都司康熙元年奉
旨改軍為民為人端方不
亥率軍保守殘黎蘆民德之
順治丙戌丁

一學宮

學宮一所

啟聖宮一所

東廡一所

西廡一所

櫺星石坊一座

名宦祠一所

鄉賢祠一所

蘆山縣志

卷之首

二十八

明倫堂一所

博文齋一所

約禮齋一所

前街騰蛟起鳳未坊東西各一座

奉直大夫昆陽知州邑人陳萬策遷學碑記

聖明遵愛養人才為家法擇置學宮為第一務按蘆

庠舊址向南煥乎文明之象也前文筆插天後來龍

七里左羅城掛玉右佛圖絢彩脉完氣聚擇置之得

其當乎是以四科三第如方伯張公秋闈受薦驄馬

埋翰動搖江右且士生其間品多磊落胸次凌霄無

一靡靡者及嘉靖庚戌縣尊周公惑於術士之見輕舉向東之遷雖至戊午王之賓捷順天鄉試而造就原始於此至今科目寥寥向東之不善可知諸士久議復勢有不能幸於萬曆丁巳之秋叅憲竹公密解綬歸耒力以遷復為己任謀於諸士曰子雖黃金橫帶而夙志未展俟之青矜輩耳遂捐金命匠鳩工經營籌度不惜焦勞時則金溪張公繼而平溪鄭公亦捐金勒事值者首之變暫輟聖殿巍矣而兩廡未整正堂我矣而兩齋未設公日夜不能自暇以大功未竟為慮於丁卯冬公仍捐金付之能幹幸賴中原楊

廬山縣志

卷之首

二十九

公握符下車明廉為治興我斯文鼓舞激勸更有甚焉慨然分俸助其不建越次年而櫺星戟門前後落成一時宗廟之完美運數之轉隆勃勃矣易云窮則變變則遷况此復也而非遷也遷則新卜其地其效未可料復則仍還其舊其前驗已足徵也地之靈者人必傑也行時產珪璋之英儲棟樑之器昂首奮翼爭相雄飛者不祭可知也况不特拾青拖紫博名高已爾仰山斗而切景行之思何必遠宗往哲叅憲公其覲面之典型哉公操觚時以心質聖賢以身許朝廷孝可方曾閃治可媿龔黃龍章申錫一堂四世濟

濟登闕觀者有餘羨焉願諸士以公之心志公之忠
君臣父子之道著而長幼朋友之倫敦藏則儲華國
之宏詞出則建柱石之遠猷無負先後之雅意亦無
忘惓惓屬望之教澤可也公之功永公之賢彰將何
以報公惟有血食於千秋耳予於政暇之餘特不避
蕪言以紀其盛

一名宦

漢司馬相如奉詔闢靈闕

唐陳東之時蘆屬益州

宋黃廷堅

蘆山縣志

卷之首

三十

雷簡夫

至和初儂智高步入雲南蜀人驚怖守張方
平簡雷簡夫知雅州而郡邑下缺

樊汝霖

舉賢拔俊薦眉州蘇氏父子下缺

宇文仕

明

屠巒

汪浩

趙良

周安

項聲國

清

王曰曾建南道

一鄉賢

宋

楊異

明

張裴

竹密

程之緒

一學校

明洪武二年詔天下郡縣并建學校以作養士類定

蘆山縣志

卷之首

三十一

在京府學在外府州縣學生徒之數自六十 以至
二十人日給廩膳仍復其差徭八年立社學十六年
奏准天下府州縣學歲貢生員各一人二十年令增
廣生員不拘額數正統六年令府學一年貢一人州
學二年貢一人縣學三年貢一人遂為定例十二年
奏准令生員常額之外單民子弟願入學者提調教
守考選俊秀待補增廣名缺一體考送應試成化二
年設衛學軍生員數有差有司儒學亦置軍生正德
十年都司衛所學原定一年一貢者與設優等次等
生員各四十名以次遞減至各二十名通行提學官

考補有餘多者即於附學以後於優等內炤例考選充貢萬曆十四年題准各提學每歲考校入學務要不失原額其地方果係科目數多就試人衆則於原額之外量加數名但不許倍於原數如乏才之處亦毋得因而一槩取盈

皇清初考試童生進學不拘額數順治四年定每考童生大學進四十人中學二十五人小學十二人五年定六年內許隨歲考進童生二次十七年定大學進十五人中學十人小學五人武學如之十八年定科歲兩考併為一考定例例府一年二人州二年一

蘆山縣志

卷之首

三十二

入縣三年一人

康熙二十年奉

旨定例

蘆山縣下學

歲考 文童取進八名 武童取進八名

科考 取進文童八名

廩膳生員二十名

增廣生員二十名

貢士三歲一登

一仕宦

明張 裴 廣西御史江西布政寧王反死節

李必欽 山東都司

任 松 宗人府經歷八子致仕 以下缺

孟 仁 知縣

胡 龍

胡經文

胡經定

胡 謨

胡承謨 叔侄並顯時稱七胡

竹 嵩

蘆山縣志

卷之首

三十三

竹載陽 陝西城固知縣當路贈曰蘆山一世傑城

程業儒 三水知縣

胥 賢 平涼府理刑

李遇陽

管 成

喻文華

竹凌雲

竹 春

竹二陽

戴陽和

俞詔

程應麟 江西吉安府通判

張文富

戴賓

駱瑞

竹密

王儒

戴君恩

程之統

王用賓

蘆山縣志

卷之首

三十四

陳萬策

王家禎

陳平策

任道遠

趙應第

竹可樑

竹可上

竹可柱

竹可楹

竹可商

雲南昆陽知州 姚安府通判

由選貢赴北翻然歸掉屢徵不仕不近勢

鴻臚寺序班陞南城兵馬司

浙江麗水知縣

霸州州判

南城兵馬司福建建寧府通判高雷二府

皇清

程翔鳳 任監軍僉事四川松茂道

鮮大生 新繁井蓋訓導浙江縣丞

周新命 保縣訓導

胡聯雲 福建羅源知縣

竹長崎 遵義府訓導

程門嗣 廣元縣教諭

趙新 昭化縣教諭

一科第

宋楊異 字與權大觀進士

蘆山縣志 卷之首

明張裴 正德舉人

楊鼎 正德舉人

王之賓 嘉靖舉人蘆山籍順天鄉榜

程復禮 蘆山人徽州籍

程翔鳳 崇禎庚午科舉人

武舉

周冕

白圭

皇清舉人

趙祚亨 丙子科

胡聯雲 己卯科

竹崎 甲午科

鮮冕 先萬壽科

王宣 甲子科

蘇乾 庚午科

副榜 准貢

衛萬祥 壬子科

舒應祖

王文澤 甲午科

皇清貢士

蘆山縣志

卷之首

三十六

竹郎 裔

應康熙元年貢蘆山人明末廩生詩文下
筆立就清奇絕倒名重於時張賊破城調
考通省盡殺於南橋蘆山士子三百僅郎
裔脫免是時灰燼之餘詩書無存郎裔口
授乎篇以教後進而一隅絃誦遂興人稱
為清伏生取漢伏生口傳尚書之意也載
志雅

周景隆

康熙十二年雲貴有變十九年恢復二十三年復

舉貢例

鮮大生

周新命

竹長崎

程門嗣

胡龍

程魚麟

鮮樂生

李友鮮
廬山人雅州籍

楊萬全

竹瑄
錫齡子

王應詔
廬山縣名山籍

竹錫齡

竹茲

廬山縣志

竹艾

羊瑾玉

國學

竹應韶

李翰章

周廷珮

竹長楫

萬士俊

鮮樂生

李文鮮

楊萬全

竹錫齡

竹瑄 三台縣訓導終養回籍

王應詔

竹茲

竹艾 渠縣訓導

羊瑾玉

周銓

竹璋

王廣心

蘆山縣志

程仔道

樂國良

劉德昌

李光扉

陳啟泰

蘇元良

李祚蕃

江萬福

凌雲

隱逸

卷之首

三十八

明程之緒 博宗書史善書充性端 外等篇動必以規矩
清竹全仁 孫冬萬蘆山世號理學博通典籍人高
字也 結述祖志沉潛 琚聘纂縣志採緝
無疑 遺生 質非倫常 名教 有之 語不 行義 十年
已遺 十餘 貌若少壯 著 有 中 庸 行 義 二 十 年
八卷 十餘 吟詩 集 並 行 於 世 雍 正 十 年 奉
旨纂修 一統誌 載之 隱逸 乾隆 元 年 頒 行 天 下

節烈

馮氏 年四十適布政張裴 年未三十 斐卒於官

楊氏 李應楊之妻也 遺腹生子 郁訓子成名 學

馬氏 竹道載 陽繼妻 年幼喪夫 守志訓子 當路旌

江氏 學道何批云 孤存 臥米之志 節以孝報母

蘆山縣志

以子承允 堪矜式 鄉閭維挽 頽風

三十九

清

田氏 夫長子郎 裔僅三歲 次子郎嗣 僅一歲 半田

撫 餘歲 卒於 順治十四年 邑侯沈詳 明年八十

韓氏 康生 方二門 壽 順治十四年 邑侯沈詳 明年八十

盡孝 道教 子成 身 故守節 四十 九年 雍正

六至 七 十 四 歲 身 故守節 四十 九年 雍正

凌氏 故縣民 衛長 卿之妻 康熙三十 二年 長 卿 身

教子 存凌 氏 紡織 竭志 守節 斯時 夫之 祖身

朱 旨建 氏

故守節四十四年乾隆三年題請奉坊旌表。妻家素貧邊行路見一銀色拾之。約十餘金氏不開看頃日失銀即還之其門。氏問其號泣過其門。即開色分銀以謝堅却不受傳之市井人。以為美談以極貧苦之婦。而能拾金不昧誠難得也。

孝義

許仲魁

許仲選 事載前志

彭可富

邑侯張旌其曰樸孝可風

駱應成

邑侯張旌其門曰永言孝思

胡元雍

字玉南經定五世孫年十二遭獻賊之變。父兄伯叔皆遇害既而土彘破城負母避。兵幸免於難母病牀褥三載偕室人俞氏。新奉口食兩弟被擄遍訪贖回平生沒白。

廬山縣志

卷之首

四十

張志賢

自守惟耕讀教子目擊次子聯雲以孝廉。賦性和平為樸實起家負販成念倫常。菽水庭闈獨力以全孝養撫弟成名憐孤。恤貧勸規里黨捐窮民詳請獎勵奉。藩憲李轉詳給以孝友可風匾旌獎。

一流寓

范文光

此川北進士避兵廬山有啼鵲血文集行於

植毓槐

甲州人避兵于廬歸登辛卯鄉試開臨印

陳丹仙

富順人隱居沫水之濱往來縣司善墨博

一古蹟

漏閣

相傳神禹治水遺跡

兩面碑

在縣南五里兩面皆篆文

黃廷堅綠菜贊碑

蔡蒙之下彼江一曲有茹生之可以為救蛙蟻之衣
采采盈掬吉蠲饒澤不涸沙礫芼以辛鹹宜酒宜餼
在吳則紫在蜀則綠其臭味同遠故不錄誰其發之
班我旨蓄維博女士史君 炎玉

綠菜贊跋

宋紹興甲戌知縣李閔中跋云山谷老人綠菜贊刻
石於蘆山古廟中歲更百模典型儼存贊未有史君
炎玉之句讀者多所未喻蓋指眉陽望族史氏女名
琰者琰字炎玉髻髻資穎嗜學蘋蘩綫纒一不經意

蘆山縣志


卷之首

四十一

志業專確廼博古善讀文雅安張士儀諱閻出守眉
陽聞其才且賢納為子履婦炎玉于歸子履惟素冲
淡不事鉛飾服澣濯之衣日游心於簡編翰墨平生
臨覽之勝燕笑之適與子履詩詞酬唱格調閑雅久
而盈篋手自叙次日曰和鳴集善用禿筆字體莊勁
少卿愛重之殊不責以中饋之職厥後少卿幼子介
卿諱祉擢進士第調官之青神尉是時山谷老人謫
居涪城邈流見介卿誦親親之好蓋少卿之室江南
黃按察諱廉之女乃山谷老人姑輩也炎玉配子履
實其親表因為書致綠菜為信山谷珍其品以贊謝

之有曰班我旨蓄維女博士史君奕玉猶有古人校
書之褒

蘆山縣志首卷終



蘆山縣志

卷之首

四十一

蘆山縣志次卷

邑侯 楊廷琚 鑒訂 紳衿 王文澤 琦 陳啟泰 校閱

一誥勅

明洪武十三年賜實授百戶竹銘王忠詔

皇帝詔曰昔者先王之治天下也必資威武以安黔黎未嘗專脩文而不演武朕特例古制設武職以衛治功受斯任者必忠以立身仁以撫衆智以察微防姦禦侮機無暇時能此則榮及前人福延後嗣而身永昌矣敬之勿怠

洪武十五年賜竹銘實封百戶鐵券

蘆山縣志

卷之次

皇帝詔曰會際貞元類多節烈時當亨泰必樹翰屏咨

爾竹銘元汴梁留守竹真之孫成都龍泉衛右衛指揮使竹斌之子派衍孤竹永續中子之傳嗣續夜不廢施州之祀世既篤於忠貞義應錫夫茅土特實封百戶守禦蘆疆界之銅章予以鐵券勿謂謂藐矣山城實為鎖鑰之寄茲且爰及苗裔毋忘繼序之恩實朕之命與國同休欽哉
成化五年賜竹鳳誥

皇帝詔曰酌勲之典今古同揆咨爾守禦蘆山鹽井所實封百戶竹鳳隨征有功遼績丕著特加行營都

督僉事榮祿大夫實封百戶如故尚其益勵其節
毋襄寵褒欽哉

正德十年賜張斐勅命三道

皇帝勅曰咨爾廣西道監察御史張斐膺茲繡衣之任
無愧驄馬之風特勅授爾文林郎汝往欽哉毋替
朕命

皇帝勅曰咨爾廣西道監察御史張斐命妻缺氏克相
其夫而已早喪特勅授孺人爾其有知服斯榮寵
皇帝勅曰咨爾廣西道監察御史張斐繼妻馮氏無忝
內助實顯刑于特勅授孺人既受寵章益勵節操

廬山縣志

卷之次

二

萬曆三十九年賜竹密父母並本身勅命三道

皇帝勅曰自昔孝弟勦之科與明經並重朕思得若人
以表彰之况子用經學顯而爵為循吏者哉爾竹
會陽乃湖廣寶慶府城步縣知縣竹密之父恬澹
性成塵氛習遠逃名鴻隱里慕式廬之風積慶燕
貽贈爾為文林郎湖廣寶慶府城步縣知縣表晦
德於彤綸賁幽光於石茆

皇帝勅曰令衆人之父母也惟慈是怙而令亦有焉念
茲勤苦可無表揚之典以為民酌令者哉爾劉氏
乃湖廣寶慶府城步縣知縣竹密之母治止揚芬

珩璜秉度佐隱聲諧於占鳳激才教迪於和熊瞻
茲製錦之成詗爾趨機之自尊與弗逮執器可思
是用贈爾為孺人龍光賁錫於樹萱馬鬣增光乎
宿草

皇帝勅曰朕按邵陵當荆襄之末垂非得近民之吏綏
靜而煦咻之曷嘗有寧宇哉爾湖廣寶慶府城步
縣知縣竹密操持峻潔器識宏深筮仕明廷居官
茂宰迺能四知飭已秉廉善以矢勤五事宜民酌
張弛而成務邑靡谿山之警人獲阡陌之安丕堯
最聲達於間聽是用授爾階文林郎錫之勅命夫

廬山縣志

卷之六

三

漢世之儒蘊則明經試則循吏其功業赫然何所
不可至也尚益篤初忱以厚自樹勉朕日有不次
之陟欽哉

萬曆四十四年賜竹密父母並本身誥命三道

皇帝制曰朕嘉人臣敬事之忠而曲體其顯親之志於
是崇其禰廟賁以綸章廣孝勸忠於是乎在爾贈
文林郎湖廣寶慶府城步縣知縣竹會陽乃原任
雲南廣西府維摩州知州竹密之父惇倫樂善扶
義好施孝友著於鄉評義方行為庭訓爾子服州官
牧蔚有聲爾之則德遠矣是用加贈爾為奉直大

夫雲南廣府維摩州知州龍章散再荷之榮馬鬣
無疆之慶

皇帝制曰孝子之於慈母也念其宿劬故執器則慕列
鼎則悲匪藉寵綸而風木之憾何能釋矣爾贈孺
人劉氏乃原任廣西府維摩州知州密之母稟訓
矜福揚芳沿泚餐饋必怡雅迨桓汲遺風簪珥可
捐不異柳丸懿範爾子四履宣勞絲爾三遷啟祚
宜中國寵以表家祥茲用加贈爾為宜人揚顯號
於萱庭慰慈靈於蒿里

皇帝制曰州長吏疏親民而滇南諸郡去神京萬餘里

廬山縣志

卷之六

望澤難霑非得賢守牧誰與任宅生之寄苟有善
政簡在朕心爾原任雲南廣西府維摩州知州竹
密才侵翰濟志勵清修貢籍蜚英花封展采妥從
民譽竹綰州符而爾滿腔推誠惟崇愷悌之實百
凡振刷力求安集之方節此縣魚舉騰棲鳳萌黎
安堵夷落嚮風所司以最績上聞是用授爾階奉
值大夫錫之誥命夫使文之吏日偷綢幅之吏歲
計爾既歷試有效矣其式敷民德永肩一心以稱
朕子惠元元之意惟予嘉汝欽哉

萬曆四十六年賜竹密有功覃恩進階詔一道

皇帝制曰咨爾前授奉直大夫今湖廣布政司叅政道
僉事暫假廣西六越駐鎮府行都司竹密值山官
無何普明藐抗王章勞動天討爾龍潛謀搗勸歸
獻罪俘一帑勝十萬之三師捷慰九重之意使南服
有慶西碩無憂特錫獎詔進爾階朝列大夫用酌
爾勲欽哉

崇禎四年賜陳萬策父母並本身勅命三道

皇帝勅曰夫士不論起家而能宣教誨又能使其子克
守一經服官以贊股肱郡為理者朕亦有賴焉乃
沾顯命良用惻然爾原任蜀府教授致仕教訓

蘆山縣志

卷之次

五

乃雲南姚安軍民府通判萬策之父積學成年累
冠多士風雲有待得桑林之好音時命不齊就洋
水而拔雋携贈言之僕酒登瑞采之鱈堂四地名
師知問字者聲重期月設教見獎激者文盈乃桃
徑既成鯉庭獨功乞身教子意猶美於葦廬家塾
官碑人皆感於風露良猷未竟盡在來茲是用覃
贈爾為雲南姚安軍民府通判承德郎綸綽映於
舊趨松楸水其新服

皇帝勅曰婦人事夫貞勤佐讀而復跋蹠寒官卒勉其子
於有成不得身享之者朕甚憫焉爾王氏乃雲南

姚安軍民府通判萬策之母毓秀名門推揚女史
少知却鮓從其父以服官長而宜鳧勸其夫以遠
志事堂上以明發孝德可風教膝下以邁征母儀
斯美鹿門遂長隱鶴野以奏高音茲用贈爾為孺
人遲就養之潘車永沾恩乎梁案

皇帝勅曰郡吏親民詎易邁哉朕子黎元良慎重推選
即塗轍不一意每重經明行修之士以其鑒古提
躬中無漏染不至浚民以生也矧能以治聲著者
乎爾雲南姚安府軍民府通判陳萬策高標峻字
寔意清襄事上治民盡出早歲之經筵割苞代俎

尤且救時之藥囊既媿聲於黃堂復宣勞於赤檄
新猷獨堯不煩長艾問權酷夙弊盡釐無使奸胥
成雀鼠披不疲之秦鏡幽隱畢形照迅括之吳鈞
盤錯立解才餘游办譽重如璋茲以覃恩授爾階
承德郎錫之勅命夫佑政之難矜肘苦於不調大
牙易於相壓爾勤心撫字裕國之能已見矣尚其
靖虔爾位朕嗣有後命

一墳墓

漢故檢校巴郡太守樊府君墓

漢故檢校巴郡太守樊府君碑記

君諱敏字叔達肇祖宓威遺苗后稷為堯種樹社潛
從岐天願宣甫乃萌昌發周室衰微雲伯匡弼晉為
韓魏魯分為楊充曜封邑厥土河東樹漢之陰或居
於楚或集於梁君纘其緒華南西疆濱近聖禹飲茹
汭總角好學治春秋穀氏經貫究道度無文不覩於
是國君備禮招請濯冕題剛傑立忠謇有彝史之直
卓密之風鄉黨見歸察孝除郎永昌長史遷宕渠令
布化三載遭離母憂五五斷周囊對袂長驅早走枕
北國復重察辭病不就再奉朝聘十辟外台常為治
中諸部從事舉直錯枉譚思舊職彈克糾貪務鉏民

穢患苦改俗喜怒作律案罪殺人不自獨獺告子屬
孫敢若此者不入墓門州里僉然號曰吏師李世不
祥米巫死瘞讀乘青羗姦狡並起囁附者眾君執一
心賴無滂耻復辟司徒道辭不往牧伯劉公二世欽
重表擢已郡後漢中秋老乞身以助義都尉養疾閭
里又辟奮義校尉君仕不為人祿不為己桓桓天度
禮蹈箕箒當窮台齡松橋協軌八十有四歲在叶洽
紀驗期臻奄留藏形比百咸痛士女弟冷臣子哀術
判石勒銘其辭曰於戲樊致經德炳明勞謙損益耽
古儉清立朝正色能無撓頌威恩御下持滿慮盈所

歷見慕遺歌景形書載俊義股肱幹貞有物有則模
楷後生宜參鼎鉉再見皇靈出經阪險鬼方不庭所
戢節足輕寵賤榮故敘天選而相陪臣晏嬰仰殿留
侯距齊非辭福也乃辟禍兮亂曰渾元留像岱瀆台
匠兮金精大佐實生賢兮豈欲救民德彌大兮道遇
陽九百六會兮當舉遐奉兮遂逝兮嗚呼哀哉魂神
裕兮建安十年二月上旬造石工劉武良鐫書
趙明誠漢巴郡太守樊府君碑跋
有漢巴郡太守樊君碑 君諱敏字叔達肇祖宓戲
遺苗后稷為堯種樹社潛從岐天顧亶甫乃萌昌發

周室衰微雲伯匡弼晉為韓魏魯分為楊克周封邑
厥土河東樹漢之際或居於楚或集於梁君續其緒
肇南西疆又云總角好學治穀氏經貫究治度無文
不昭於是國君備禮相請濯冕隨剛傑立忠譽有彛
史之直卓邈之風鄉黨見歸察孝除郎永昌長史延
策大將軍卒光和之末京師擾攘雄孤綏綏冠冕同
囊封袂長驅早走枕北國復重察辭病不就再奉朝
騁七辟外台常為治中諸部事又云李世不祥米巫
凶瘡姦狡並起陽附者衆君執一心賴無誇耻後辟
司徒道辭不往牧伯劉公表授巴郡以助義都尉養

疾閭里又辟奮義校尉年八十有四歲在協洽紀驗
期臻奄忽藏形其後有銘最後題建安十年二月上
旬造他漢碑類多刊缺而此碑獨首尾完好故載其
大畧於此所謂米巫凶瘡者謂張角也

明太史楊慎全蜀藝文志序畧

支郡列邑各以乘上得漢太守樊敏碑於蘆山漢孝
廉柳莊敏碑於黔江文無稍訛刻猶古制東牟公喜
曰漢碑之傳於今中原亦掃跡矣乃今得茲於遠邦
不謂斯舉之幸乎

竹永齡曰樊侯傳奇云樊敏果蘆山樊家渠人年幼

蘆山縣志

卷之次

九

有才家徒壁立未授室一日醉歸大陵溪石橋之檻
倚一少婦衣白衣如有父母喪者謂敏曰余天台人
夫死繼母暴忌不容故逃至此君若約予予偕伉儷
敏曰此實美事但予以書生家甚寒恐饔飧無以繼
婦曰爾若不棄予尚有奩資可以供朝夕之需敏遂
納之夫婦日談書史婦若門名家老儒也論天下
事治亂燦若指掌魚水之歡期月而敏羸弱婦以一
紅丸含之即愈曰此猶吾父所誨之藥餌也病愈還
木幾復然敏求丸如初夫婦戲談間而丸不覺其吞
入喉中婦驚哭曰誤我十年道行也重言悲痛不已

敏百方解之婦言吾命當終十年功行為爾所得異日爵祿居人上毋忘我也敏受纏綿不已倦寢夢婦曰我與君有俗緣功行為君所得我死於後山桃祀樹下幸其收之勿使人見體也夢覺僅衣服首飾在側反尋至彼一老狐嫗也收而即葬於彼漢桓靈時投軍力支千夫為蜀太守孤墳迄今猶存牧監登之頭腹痛毋敢為戲牧塲者

漢大將軍平襄侯明加封開明王姜維墓治內龍尾山之巔今

金井閣康熙丁亥奉巡撫都察院熊立有碑

明大方伯張斐墓治北雲峯洞麓

蘆山縣志

卷之次

十

明朝列大夫竹密墓治北舊大渡縣之嶺

明啟南先生程之緒墓治北龍頭山內

一祠祀

文廟治中春秋二祭

社稷壇治西春秋二祭

風雲雷雨山川壇治南春秋二祭

川主詞治南祀蜀太守李冰也春秋二祭

郡厲壇治北中元祭

城隍祠治中春秋二祭

凡有城則有隍亦如各方之有土即有神也陰陽合

德表裏相維經狐迸鼠豈非城社之福也

文昌祠 治內春秋二祭

鄉先生竹郎齋建祠碑記

帝君光分張宿德詠周詩桂香內殿丕炳江漢之靈
濬發奎壁之府者久已在宇內矣明代蘆山祠宇在
治東北隅朔望官長焚謁未便順治乙未另祠城東
蓋舊學址也康熙丙午邑侯五一張公見其廟宇雖
其而局度未宏遷舊三官祠於石使門屏洞開氣象
聿新於歲帝之靈妥矣帝嘗曰余舊生越雋接黎之
節符都雅之靈闕道又曰當以黎雅為鄉而有不忘

蘆山縣志

卷之六

七

故鄉之句味斯言也則必久留邑下與苜蓿父子同
一視焉可知也若官則榮陞學則攀鱗農工商賈皆
臻樂利則帝之錫祿與嗣其在茲乎其在茲乎敬記
之

關帝祠 治內春秋二祭

鄉先生竹忽渭曰今關帝祠先內大父王家禎故宅
也公以我眉教諭解組林下適一日有異人相訪言
此宅指日大旺有王侯之象但公家諸公子不堪負
荷耳公疑之園有劍蕙盆景茂盛正開命課其始終
異人云即本月某日某時當公曰其盛如彼其園之

緊密如此此物何能即壞乎發微笑以為妄誕果於彼日彼時有滇驃狂作直闖入園一嚼而畢公遜默然後果全家歿於國難邑人奉關帝祀之非王侯之大旺而何可見凡事實實中有定數也

姜公祠舊治內春秋二祭

明文林郎知蘆山縣事廣陵羊亭建平襄侯牌坊碑記

平襄侯牌坊之立既竣事邑民程琬等請太學生思菴王子書以紀其歲月思菴固辭因以強余夫姜侯在漢封平襄侯在唐封開明王其事功載在史志者

固不必論其開拓疆宇鎮撫西南綏緝民夷顯著茲方者不容泯也邑民感而思焉敬而祀焉祠宇之崇創自往昔歲時之祭久而愈虔敬思之心無所致力迺於祠宇之前立坊以表著之噫民心之天良其不能自己者有若是也坊之經始蓋自嘉靖乙卯之四月告成於嘉靖丙辰之八月其用木植以百計陶瓦無慮百千工匠之資費四十金當其事者邑民周文秀李成陽楊應啟楊茂助之成者張金生羅文彬王甫程祥守其祠者疏也祠在蘆邑城內東南隅君子遇是邑拜瞻是祠固足以見有功於一方者之必獲報

尤足以徵蘆民之敦義云

明文林即知蘆山縣周裴祭文

於惟我公山岳葱蘢三軍威重萬古英雄三國人材
稱為獨盛公於其間尤為著姓智勇膽畧孔明見取
制勝出奇莫與為伍元戎不存典型猶在柄用張弛
望隆中外聲罪強魏妥帖弱蜀眼底無人胷中有物
讐國肆諭救世疇能丹裏素志白壁青蠅黃浩叢蠹
主上致疑畚中屯田就裏鷓夷天之所廢時難支捩
魏兵犯順蜀勢云感載起我公思於久廢矢心孤忠
畧無怨懟拒險為阻劍閣崔嵬蜀虎當關魏魄其褫

蘆山縣志

卷之次

三

陰平失守鄧艾入深西川瓦解后主與陳手詔諭降
非戰之罪無主奈何有懷不寐士季禮遇伯約佯和
以魏攻魏鍾鄧交訶鄧收檻車鍾亦袒肉西來將士
一股搗戮天若祚漢何有於魏大事已去神謀莫遂
將軍先殞炎燼盡灰精忠貫日正氣奔雷成敗英雄
是非一綫不死真心百世猶見公之為漢良工獨苦
萬代綱常孰曰無補名遍天下靈獨聚蘆神豈無謂
保障邊隅生為忠臣死為正神乾坤不老天地長春
流芳無涯護國有永雖死猶生未為不幸漢季迄今
無慮千載正直聰明福民真宰能禦大災能捍大患

有感即通無隱弗見屠尹治日強暴吞噬神直至公
當常厭之啟誘屠裏極力反正曩微神裏詎能取勝
助屠成名為民除害靜言思之神功居大末職小子
久仰英風奉命來官技乏雕蟲恐辱君命於神陰祈
思起行翼於我陽垂凡百所為神力是情以慰生民
以答休命昔不靳屠今豈遺我因民庇人無方神荷
渠方履任莫展懃懃生芻醴酒有慚必分幽明用通
藉之薄奠鑒此悃忱無然歆薦

屠侯祠舊治內春秋二祭

明山東都司邑人李必欽請建屠侯祠碑記

蘆山縣志

卷之次

十四

屠侯諱巒雲南洱海人以孝廉來知蘆事適天全二
土猖獗蹂躪蘆民守土兵戎竹公諱鳳奉調隨征遼
東蘆民惶惶無倚侯義勇性生文事武備兼治擒捕
廓清愛于死於難侯亦卒於官迄今數年間縣司界
定無敢搖蕩我邊宇侯之功也奈受銓選者聞蘆多
事枕卧京師者三人幸縣尉汪公諱浩捧檄治縣事
將舊大渡縣南遷附姜城廣其雉堞而姜城縣屠侯
父子靖難盡節之所通縣父老泣籲當路奏請以為
侯祠特旨俞允沉陵歐公適下車謀以大方伯張公
雙配享同一天挺人豪國爾忘家相對血食洵乎無

愧仲秋望之前二日為侯嶽降之期與平襄姜丞相
盡節之日近盧民弔姜丞相即為祝侯之會西魏封
姜侯開明王舊有彩樓四十八座壯其品之高節之
堅為姜丞相設也即為屠侯設也靜智釋子廣杰出
田五斗以為侯焚獻之需從望廟貌而思侯之功猶
想見靈爽於斷雲落日之表在禮之以死勤事以勞
定國禦大災捍大患者祀之吾知斯祠之歷千古而
如新矣是為記

一土產

綠菜黃庭堅有讚蘆邑惟大林溪始產然溪乾水漲俱無靈關與蘆蘆所產者多蓋聚於蘆故云蘆

蘆山縣志

卷之次

十五

脚魚

也產有四肢又名孩兒魚多類人形夏秋間水泛於岸得之味佳剖之即一片猶躍人多懼而不敢食食之則愈瘧疾

五加皮

以藤附者為佳靈山等處皆產蘆人採三甲者為麩藥造酒故蘆酒皆益人

菜花石

出於龍門索橋上下俱無亦玉類也

蘭

靈山羅城悉產一本一花其香遠襲

鹽井

元至順三年印州有二井舊名曰金鳳芳池天曆初地震鹽水湧溢州民侯坤願作什器

煮鹽輸課於官詔四川鹽道司主之由是嘉

定各井有問了上成化年間鹽井消涸且嘉

按蘆山僅四井其餘散處火井天全靈關總屬蘆山

守禦所康熙元年奉

旨裁軍歸民

按火井出於西漢新莽時熄東漢復出蜀漢愈城蓋與火德相應也其後徒存其名

一仙釋

宋禪惠

盧山人屢舉不第元符間郡守呂山誠以僧勅戲之即削髮明日往天寧舊老叩以佛法云不許乘馬師曰文殊乘獅子普賢一駕象王新來一個佛馬馬也何妨其機敏不有禪

惠語錄

明無霞

天王寺僧九十餘說偈脫化

明知縣屠巒贊曰

蘆山縣志

卷之六

十六

夙賦菩提性先知木一誠為君今作偈千古亦留名

明照智

即能詩能文初至蘆無裝衣竹鄉賢以衣之

清木宗

流寓蘆山削髮雲峯一洞高雲際石壁懸岩

本

出石洞恐出者數十年一於山中探得始

來

崇慶州張進士洞後入蒙頂為禪之最

本

學善悟一應聲曰法忽將校射入蘆削髮靈山

本

即於座應觀乎百真道也亦親德耳挹彼注

本

意年失鵠交貫則面自得心中見正己後發則身

本

天皆靈一矢貫雙鵬空此願力無三箭定

本

臂三頭不途是何能障這稱是他千彌陀佛了諸

本

如得此類蓋儒釋也乎這就阿彌陀佛了諸

滌 泗 本宗之徒老於靈源數十年未出山門草衣
羊得所 儒醫充養有節言動不苟遠望之有仙風道
甘常宇 亦醫學也壽九十餘 顛能寫反字倒字不假思
壽登期頤 求藥摩其頂即愈人以為仙醫焉
大笑而卒

一寺廟

靜智寺

之圓覺經云清淨法身汝之行也若悟三身即名
四智茲建寺以靜名之出乎圓覺之表也在治
北五里建自宋貞元年間明僧善成修補其舊
制廣其地土甲申兵大漸頽僧善成修補其舊
則僧耕雲重建前殿廊房而規模如故然正
殿猶古劇也耕雲羽化邑侯
張緒旌之曰道岸先登

明竹顯勳

字元鼎 靜智寺碑記

蘆山縣志

卷之次

西方有丈六人肇開西國結成淨土出其力量神其
智慧或雲塔於海上或樓閣於天中或坭牛耕於海
底或身印禱於天上種種可繹吾邑靜智寺繇坤厚
贊承當時俗習多澆常任頻有侵加坤之后廣杰恢
復之未幾而海天出夫海天抑西方之所指為海天
者乎實其海天遂名其海天者乎自十二歲服消瘦
衣起而大襄其事盡壘可穀之土盡出山林之利歷
七十載經管締造釐然有序素履重於鄉評官長嘉
其義士大夫稱其賢獲記二十二年其表表於當年
非埋頭吃飯者倫雖古唐瓚不是讓也迺本寺有常

住山田糧五斗萬曆十年三鄉書里謊詞王侯邦移
增糧自后賠納累重僧衆日益耗散田地日益荒蕪
錢糧日益廢閣殿宇佛像日益傾頽天啟元年雪雹
變作嘉禾盡屬腐草僧堞念空而海天年老力憊徒
孫孱弱痛苦無已我朝列公偕鄭侯躬詣踏驗果見
梯梯小田田少糧多委難服納且考殿宇建自貞元
為蘆第一剎一旦荒圯秉公酌量減糧以稍甦苦楚
則田地不致荒蕪錢糧不致廢閣僧衆殿宇聚復如
故此鄭侯如天之澤我朝列公護持之力何莫非海
天力量所致且於寺中建葺房樓寺后建觀音堂寺

之上建普照庵復得我朝列公捐資以助其用則與
塔海閣天耕海耨天者同一軌也海天老而不倦仍
廣植松竹鬱蔚青葱鶴集於木雀噪於枝時野而坐
茂密下借蔭濃之餘庇接籟傳聲夫有不羨慕海天
天之精神若海天者賦質古而朴秉性聰而靈語言
拘拘小心翼翼禮容賓賢春風晬上可以不媿坤后
下可以有光廣杰而讚厥寺之功德者寧可既耶夫
減糧建豎伊誰之力人曰海天海天不有歸之士大
夫士大夫不然歸之佛力佛力冥冥不可得而名乃
名於碑厥後繼海天之志仰止嗣緒庶斯名不朽也

余常流覽靜智發脉靈驚勢處峽岬繚曲僻而雅層
巒環富據大地形勝遠岫听葉竹嚮斷雲嵐光猶黛
礪礪列橋門前田地水綠山清鳥鳴谷應烟起霞蒸
造設多竒望眼場舒香火不馥山雲杳杳為寒烟蔓
草而瓦礫是懼也故始得紹坤創其規模既得廣杰
釐其疆界終得海天紹坤之未紹廣杰之未廣使鐘
鼓常鳴香火時舉則西方有丈六人靜智有海天智
慧首出能任能賢勒之石中表傳後世以示不忘焉
則海天其歷千萬世而如在後人遂得仰千萬世之
眼目也稽昔巢首而著之大乘焚履三字缺文字記

誌不同其示不忘一也故閩邑士大夫欽其道力揭
石而記之有如見其海天者欲問海天之甲子則生
於嘉靖甲寅年四月十五日矣

廣福寺

治內俗呼為下寺以靜智為上寺則廣福為
下寺也為朝賀拜祝之所西方景宛如海島
別一洞天形北如生水石山龍物矜梅沾
動盛暑入其間肌膚涼人以龍為仙手所製

明蘆山縣儒學教諭丁卯舉人金川潘邃修廣福寺

碑記

釋氏之教粵自兜率天中降神於西域其名曰佛前
人謂為西方聖人信然蘆唐封開明王城北三十步
許有古廣福寺因宋遷治大渡基址存於草莽今復

城堞南遷朝賀拜祝靜智隔江未便僧妙鎧白於邑
長剪荆棘除莽穢鳩工遺材正殿門廡完備欲作西
方漂海景無有工於塑者俄焉而西方回僧師弟欣
然任之始和坭未敷一夕大雪而回僧渺渺不見其
面及視寶壁而刻畫已成觀音大士飄飄如在海中
龍宮波濤鳥獸如生宛若目覩普陀之勝槩者異哉
其神也無何妙鎧中道圓寂天順乙酉邛之九鼎山
苦行禪僧闕證為天全二詔討所慕以禮聘飛錫過
過此覩其功德未就遂發大誓願守禦竹所公昌暨
縣尹張公敏信慕傾貲勦聖丹漆金裝妙彩色相巍
蘆山縣志

卷之次

二十

然由是上以慶祝

聖天子下以澤被一方民其福之廣者未可一二僕數也
如妙鎧以及回僧禪僧或亦同自兜率降者乎何其
佛力人緣之翠就耶邑中之觀瞻已具永鞏皇圖於
無疆是又在佛子之靈廣其所當廣者乎因序其施
財助工者之姓名於碑陰而為之記云

通圓寺

治內康熙
重建山門

甲子江南僧寂成重修護記智高

白衣寺

康熙甲子縣正邊塙建蘆學址

白塔寺

治北十里相傳有白塔飛去故名

天王寺

治北五里明正德年建
柱上羅漢降龍爪甲如活一日出寺戲水而歸

尚未復其原跡僧見舉斧打其石手殿柱劈裂其形現存明竹顯勳賦其事曰
四靈分得一靈尊不渡禹門渡法門何事應真能拘束雨花臺畔卧祥法

守戎吳敦問遊覽詩

採風來古寺吐納俯洪流水出烏鴉漩山圍白虎溝
野花名難辨息鳥語無休珍重墻間句紗籠墨蹟留

崇勝寺 治北五里

龍龜寺 治北十里

福田寺 治西五里

湧泉寺 治東北五里三堪總無水源惟寺前一帶湧
數十泉故名八景湧泉萬斛即此

蘆山縣志

卷之次

二十一

上伏江寺 龍門河口善士楊翹升建

石山寺

明蘆山縣致任山東都司事李必欽石山寺碑記
聞釋氏之教三代之世不聞六經之書不載厥后漢
明帝夢金身入殿迨唐迎佛骨鳳翔而佛始入中國
所云佛即心心即佛無非欲人存其心制其欲為持
身之本也無何其說一倡惑世誣民不揖君親不供
租稅而獲福消愆之說盈宇內豈釋教之本旨哉是
可慨也方今聖朝酌古準今不廢其教內設僧錄司
外設僧綱僧正僧會司悉皆輝煌殿宇衆第連雲蓋

欲借以為朝賀拜祝之地亦為世之小補耳蘆山縣
治東十里石山寺創自國朝泰山高聳匠細積石列
於左右因以為名本司僧廣惠俗姓張龍門人也秉
性愠慈堅定不老赤子之心不泊平旦之氣酌水焚
香夙夜匪懈洵羣鳥中孤鳳烈火中全金也師徒裝
嚴佛像丹艸殿宇香爐海漫煥然一新壯麗可觀又
施章原捨田一段永為常住里民張相張文翼張萬清
等詣予請記予思釋氏於儒有吾道異端之別每相
矛盾韓退之欲火其書人其人何記之有然借以土
祝明天子之萬壽下以祈年谷之豐登因相生敬因

蘆山縣志

卷之次

敬生悟以予言質之亂石應亦為之點頭也是為記

青龍寺 治東北二十里

迴龍寺 治東飛仙關

下伏江寺 治東為新任官長上任更服之所

大悲寺 治東

石佛寺 治東五里

朝陽寺 治東白土池

按蘆邑寺菴頗煩如廣福借為朝賀拜祝之地伏
江以為新任更服之所或誌古蹟或備遊觀非獨以
佛教崇重也故錄司馬公禪解頌於左以醒羣迷

忿氣如烈火利欲如劍鋒終朝長戚戚是名阿鼻獄
顏回安陋巷孟軻養浩然富貴如浮雲是名極樂
國孝弟通神明忠信行蠻貊積善來百祥是名作因
果 仁人之安宅義人之正路行之誠且久是名光
明藏 言為百世師行為天下法久久不可掩是名
不壞身 道義修一身功德被萬物為賢為大聖是
名菩薩佛

縣主祠 治內一所治北七里山一所

竹全仁縣主祠碑記

縣主祠者祀姜氏也古者公侯之女咸稱郡主縣主

蘆山縣志

卷之次

二十三

世傳主為季漢丞相大將軍平襄侯姜伯約公內弟
縣主之稱從漢制也常考吳雲伯約傳云侯一計三
賢斗胆着列親舊收葬於嚴道龍尾山而蜀志亦載
龍尾山有漢大將軍姜維墓前人每多非之然披志
按圖竟無公塚若此塚猶非此公是天使忠臣烈士
無葬骨之所也侯在蜀漢專國柄者三十年九伐中
原醮周雖有仇國之譏然春秋大義直道在人豈忍
指為仇國耶昔召伯甘棠人尚戒勿剪伐况侯骨之
祠乎據吳雲親舊收葬之語或者蘆邑舊為主食采
未可知也在禮之法施於民者祀之以死勤事以勞

定國者祀之能捍大患禦大災者祀之蘆人感姜侯之功烈祀姜侯並祀其主宜與秦伯伍員季札共垂祀典者香火奕禩而不狄公奏毀一千七百餘所之列也斯祠也自甲申兵燹遷建於茲風雨飄搖日見傾圮而護記智高乘時修葺填平基址粉飾殿堂以及祈祠等小齋逐一建監並立碑以垂不朽地靈人傑鐘鼓鏗然紫衣年少萬代維新赤帝孤臣千秋不死姜城夜月輝映天日亦三代之真道未盡泯也爰錄勞於事者之姓名於左

秦武安君祠

治東相傳為白起也無碑記可考榮經亦有祠土人稱為壯惠侯姓秦

蘆山縣志

卷之次

二十四

鄧公廟

治北二里

按廟祀之設有四有功德在天下萬世而天下萬世祀之者禹稷孔子是也有功德在一方而一方祀之如蜀文翁李冰是也有臣死忠子死孝即其死節之地而祀之者如張許睢陽侯壽雙義曹娥銀瓶是也有忠信著於當時行誼可風後世文章節義可誦法而四方聞而慕慕而祀之者如歷來之名臣大夫學士先生是也靈爽與斯地相依香煙與精神相通祀之者有謂而享之者無愧矣蘆邑鄧公祠前人相傳以為祀禹而又有以為取蜀者艾獨統大眾威震

西土不得其死於蜀蜀奉晉命祠之後遂誤以為祀禹耳不然禹未嘗至蜀蜀人何以祀之而不知禹勸先武延攬英雄務悅民心立高帝之業救萬人之命使漢不失舊物天下後世誦其言思其人祠而祀之未為不可也蜀承漢統少延一綫於偏安而艾逞智滅之蜀人痛入骨髓也尚何祀之有耶則此祠斷斷為祠禹而非祠艾也若秦武安君祠謂祠白起甚屬無謂秦并巴蜀之於周慎觀王之乙巳五年越赧王己亥五十三年而白起始用於秦無絲毫德澤於蜀而蜀人何以祀之况其像見毀於宋祖足快千古之

蘆山縣志

卷之次

二十五

觀攻趙伐韓即北呂不韋陽人聚之遷正與鄧艾等竊恐秦之封爵武安君不止一白起或有流膏於蜀如李冰者蜀人祀之誤以爵之同而以為白起耳不然則亦缺州象祠之類乎故不可以不辨

龍虎山廟 治東北二十里

按龍虎山相傳唐都給事上元人鄭太清奉旨驗歲荒卒於龍虎山蘆人祀之楊升菴先生觀察松續水經引方蜀志知為尹伯奇也夫伯奇純孝臺築孝思履端中野西銘稱其勇於從而順今固可祀也然未指其何以祀於龍虎山竊以太清奉詔踏災而忘忠

也伯奇孝也王陽王尊易地皆然忠龍孝虎兩存之可也

龍頭山廟 治北十里

明廣西道監察御史張裴康公祠碑記

從來為一世之英者必享千秋之祀靖一時之難者必傳萬古之名况乎地以人靈人與地著潮州之祀韓文崑山之戴狄武同其事也吾蘆東北十里有龍頭山傍為麒麟溝又名龍麟山從龍頭山而言之則以山之夭矯也從龍麟山而言之則以兩如龍麟聚會之意也龍也麟也為分四靈之二為文明治世之

蘆山縣志

卷之次

二十六

祥康公南直徽州府海寧人諱性夫人柳氏想亦茂材之望族乎元末為蘆邑宰至正十三年正月十七日明玉珍僭號公慷慨不屈後逃入龍頭山箬我太祖龍飛之三年玉珍猶據蜀土康公機露而亡棲神於此屢有顯應神之意其托於龍乎其托於麟乎雖功在一隅節在邊方然一時磊磊落落義氣襲人禮所謂以死勤事考其一班哉百世而下瞻其廟貌詢其出處樵夫牧豎稱說於山河水湄之間學士大夫嘆羨於稗官野史之策則潛龍現其片甲獲麟見之邊邑亦吾鄉之佳話也予奉

天子命代巡西粵無一暇晷適郵傳公之祠成吾鄉父老囑予記故里家山遊于歸夢愧不能為一世之英靖一時之難徒鹿鹿於衣冠之場走筆而抱愧良多矣正德十年春正月撰於粵西官署

張侯廟 治北二十里

邑鄉先生竹郎齋修張侯廟碑記

從來天爵與人爵不異神道與人道同揆若天工弼亮自流芳於兩間即一節著名亦傳奇於千古生而為英歿而為靈蓋其精神凝聚與天地山川相為固結而不可泯者在在然矣蘆邑東北二十里有張侯

蘆山縣志

卷之次

二十七

廟馬相傳侯原籍江西撫州府南宋由進士為御史謫守蘆邑龍門之陽有龍池與羅城之白馬泉通歲旱禱之輒應前石山寺有待澤亭謂歷來之邑侯祈雨而待澤於此也傍有銅鼓廟鼓樂禱雨而奮然登山求泉蓋銅鼓非銅鼓也張侯詣泉待澤而陡亡於此邑人遂建祠祀之聞於朝進階太保修志者遺其諱明嘉靖壬戌遷祠於土歷甲申兵燹而廟貌如故無敢有毀之者已足以見其神也但廟北高聳俯視亂石晴明如縱觀咸陽千門萬戶陰雨如雲屯甲馬八門六花張侯魄留於此洵有以哉今康熙壬寅邑

老生宋當時糾里內善士揚華宋榮貴重加補葺而請記之石子曰進士侍御人爵也今而神矣則天爵也遭謫盡職人道也而今祠之則神道也秉忠直以事君不遇故去聊乘下邑之車盡忠愛以宜民偶然身亡遂成香火之地天耶人耶神耶其爵其道豈有異耶敬記之

潮江廟 龍門渡口明教諭江千里題其門曰千里翠岫穿雲出一曲清江映月明

五顯廟 到處多有蓋顯明顯聰顯慧顯聖顯智上古神也載之雅州飛仙閣倒座廟古碑

石蠶埧廟 治東十里相傳有巨蠶歷歲夜害民苗時隱時現且能食人皆患懼鄉中斷之

蘆山縣志 卷之次 二十八

斬蠶者即樊侯敏也

飛龍山廟 治北安益埧女神蘆山女神之廟也大約皆古石臣妻妹有功地方如娘子軍之類

廟溪山姜公廟 治北

龍王廟 治東瀑布下原為天旱禱雨之所今頽廢

康熙丙子歲旱邑侯張啟鼎於此禱雨得雨竹郎齋賦其事

早彪何為逞烈威農人舉趾望霽星言夙駕舞雩處羸得飛旗帶雨歸

一坊表

靈關古道木枋 治東今毀

漢將遺踪石坊治內金井閣前今頽

大方伯木枋北街張裴立今毀

龍章申錫石坊北街竹密立

皇都得意石坊南街王之賓立

政績懋著木坊為邑侯沈士本立

沈侯甘棠木坊為署蘆事沈杰立

真民父母木坊為署蘆事李弘澤立

山斗重望督學道萬為黃廷堅立

民之父母通縣為邑侯張緒立

一縣景

蘆山縣志

卷之次

二十九

羅城朝瀑治東羅城山頂晴瀑則雨人朝望定晴雨

佛圖聖燈事見山川志

姜城夜月姜伯約祠前有天狗食月石中秋遇害鄧

艾鐘會如二狗其石月恒有夜光相傳天

人見二白狗其釜咬其弦通痴如迷無

敢發聲者次日至此皆言姜侯跳羅雲

古三江渡魚從岸邊躍呼為跳羅雲

三江魚躍治北層崖之上形如白虎上山前有旗幟

白虎懸岩三鄉皆有飛轉聲鳴利民壯景

桔槔翻水所以慶姜侯之節也

八月彩樓所以祈年也

七里奪標所以祈年也

外四景

神禹漏閣

金閣翠聳

萬斛湧泉

八步天險 皆邊邑之足觀者

竹全仁廬山八景詩

羅城朝瀑

廬陽朝瀑見羅城世代仰瞻卜雨晴萬斛明珠隨意
洒數尋白練自空生前知造化真先覺時出淵泉一
至誠蘊蓄雖高人莫訝源流潔好幾千庚

佛圖聖燈

廬山縣志

卷之次

三十

何事聖燈出佛圖山靈嶺上獻明珠金蓮御座誰能
撒玉燭太平可或無天眷選方欲炳毓時逢盛代故
苞符郢書燕悅人休笑隱風尚明信矣夫

姜城夜月

姜城夜月吊忠良一片赤心映月光精白逢秋神更
爽清明過夜魄流芳九征為國分圓缺一計報君洗
晦亡歲歲金風丹桂綻不知是德是花香

三江魚躍

三江魚躍大方稀主峙闕山一石磯鼎足湍流成月
窟修鱗騰化入朝暉何勞渭叟來垂釣却與嚴灘命

意違欲赴龍門權小試豈同貪鉅褻雄飛

白虎懸崖

懸崖白虎鎖雲峯刻畫已成不類庸前道旌旗若干
舒果全首尾現威容日霞掩映文猶炳溪水咆哮風
尚從應是渡河留影迹千年未許碧苔封

桔槔翻水

人巧偏能奪化工却教天一出長虹輪流不與渾儀
異吐納猶堪太極同綱目畢張惟有本後先循序更
難終轆轤未費旋乾手澤被郊原慶歲豐

八月彩樓

蘆山縣志

卷之次

三十一

山城鼓角忽囂囂月殿中秋駕海濤八面玲瓏空際
舞四圍錦繡市中教度亮風流自滯元龍品格未為
高崖疆素仰擎天柱百足行不見勞

七里奪標

秧標挿處燭熒熒誰把冬儺變踏青豈為蟠桃成戲
局實因祈雨開山坳八門排起六花陣一鼓齊轟七
里亭邊地輿情多好古千年百室應盈寧

神禹漏閣

大禹旋平越蔡蒙為留漏閣著神功飛仙闕外廉垂
雨禾水崖邊豈揭龍破石直穿坤所底汐潮竟與海

相通始知古聖傳名處不與尋常淺近同

金閣聳翠

邑中金閣聳雲端洵是山城一巨觀典檻凌霄頻煥
彩根題映日永流丹來龍七里孕靈遠筆鎖三江眼
界寬特立風光人仰止遐方氣象亦如韓

萬斛湧泉

萬斛誰云是湧泉平疇幾處吐雲煙清流大海猶如
故澤被人間不計年亞父絜才成話柄蘇文取致入
長篇孕靈堪與老翁比更有何人以地傳

八步天險

蘆山縣志

卷之次

三十三

天險關頭未易躔森嚴步驟風塵有誰躡等發前後
無敢半途自屈伸子建詩成猶未到武周兵制似難
循王公守國宜如此鞏固皇圖萬萬春

一風詩

宋宇文仕紹興聖德頌

紹興二十六禩皇帝總攬權綱大公黜陟注意德臣
使宅百揆聖賢相逢道同志合或因或革而庶績咸
熙一都一俞而罔不被澤越明年廟堂胥議遠暨川
蜀謂桃林放牛之後罷褒斜流馬之役民力未紓其
弊安在降自外司搜剔軍實推其有羨除對斛之未

數削縑直之倍佑使田夫桑婦穀其腹而絲其身乃
下詔曰朕念四川邈在一隅德意志慮懼弗克究晝
夜以思安得一時承流宣化觀風察俗之吏與朕同
心使遐方絕徼皆如畿內穀下不亦善乎又曰朕休
兵息民之意爾等固知之矣惠在生而不傷厚而不
困詎容煩役久為民患於戲德意甚大詔旨甚切舉
全蜀五十餘郡越小大邦罔不精白以承休德凡狝
所谿谷山澤之氓井飲田食咸知帝力之所加邈爾
邊邑卉服推髮詔下之日悉來竦聽尚恐未諭微臣
稽首南望播告之曰德莫大於生成恩莫重於養育

方今廓天地之德施父母之恩却乃全其生而遂其
養有君如此何以報之相視嘆訝鼓舞而退是歲之
彝倫攸叙百穀用成民有餘力頌聲四起採於擊壤
帥民鳩工磨崖大書上以述聖朝納民仁壽之域下
以紀齊民歸美報上之心豈不為萬世之休哉謹按
漢王褒作聖主得賢臣頌徒出私意而不出民謠唐
元結作中興頌功雖可紀而德無可錄曷若方今彌
兵之後下輕徭薄賦之令歌詠聖德皆含哺鼓腹之
民自當過漢軼唐增大雅之付矣臣昧死再拜潤色
其詞曰天作炎圖寫奕千載累洽重熙盛德光大寶

運中興上下交泰皇澤汪洋罔不霑溉僻陬粵壤尤
託王靈中原倣擾獨此彌遠天雖設險衆心成城抵
兵捍閣下瞰三秦或旗或指何征不克皇帝神武棄
功就德一視同仁罔間南北斷自淵衷休師兩國吳
越竦息齊楚來盟發弓束矢不假用兵非絡編列迄
於升平初幼終老獲全此生向老雲屯開口仰哺流
馬褒斜暴跡於路外府不給犒軍加賦雖率爾力保
爾所聚人之講好迺為息民外司過計覆護其羸冕
旒燭遠亟下絲綸削縑罷糶戒諭丁盜惟皇建極歛
時五福代天理物升之當軸都俞之間澤被遐荒林

蘆山縣志

卷之次

三十四

林總總既生且有仰帝之德大矣乾坤懷帝之賜父
母深恩萬口附和載之和聲此山不朽刻之以文左
奉議郎知雅州蘆山縣事主學事勸農工事兼兵馬
司監臣宇文仕撰

是碑在縣城東一里佛手崖之左右壁之上縱橫各
一大有奇字畫徑四寸許年久埋沒於其土其暴露
於外者僅數十字而已一日庠生陳昂駱瑛以是告
余余往觀之惜其擁積之厚未易快睹翼日拉縣簿
李公彪暨僧會圓傑監生駱興李憲胥賢張輔羽士
駱文品等督命同井編氓具畚鍤掘之迄三日有成

始得全文於黃壤中粵自紹興至今三百七十有餘
載矣而是碑得見天日豈非好古者之難遇也居是
鄉者尚加愛護勿謂牧童敲火耕牛礪角可也弘治
十二年歲次己未仲冬哉生明忠南李一本識

沫水環清

張裴

一泓清徹碧於苔環繞山城腳下來春暖魚龍爭變
化朝宗東去幾時回

姜城夜月

張裴

雲端捧出爛銀盤古桂香中老影寒午夜清光千里
共姜城人倚畫樓看

蘆山縣志

卷之次

三十五

倦尋芳

川北進士
避兵蘆山
范文光

赤羽飛來嘆弱書生血從何噴為問天公養亂何為
持甚無許多淚哭生民有若干愁煎旅鬢拔長劍砍
碎樹邊枝壯懷難盡窓兒下燈花別了只餘下形影
孤另漸老無能帶些風疴雨病壯士身騎白鼻騮將
軍肘繫黃金印只妖氛幾時得個個戡定

花富貴

范文光

有許多心事恨年來曾不遇伊人賴小園有名花數
朵豐艷出風塵不嘆此花富貴香色兩精神嘆此花
隨我歷盡艱辛 記當日風雪到此人花共避無門

幸遮防護惜留此芳根到今朝獨花長在與我白頭
相親恨人顏不及花顏少愧此清樽

風流社

范文光

看這羣鬼兒舞的跳的笑的走的抬的唱的絕妙的
快樂遊行想今日方才醒了知道偷生把苦形骸丟
過了一恁恣情那泉路上曾無名簡拘束弋甲紛爭
只免乾坤訓多鬆鬢何等寬身又何須向世上好
面皮設機械脆性命枉費經營雖然是夜臺中鬧春
風鬼家活計強勝如人世上鬪閒氣搬弄精神趣丹
青畫的是顛鬼喫的是痴人

蘆山縣志

卷之次

三十六

登佛圖寺

王曰曾

結伴尋山寺攀蘿叩石扉烏啼緣客到磬響石僧歸
橋鎖灘聲激松高日影稀磨林千嶂合誰與語禪機

鐵索橋詩

竹文光

精金白煉掛長空雨霽江邊擬是虹信步無心登道
岸憑虛有路入蟾宮採蓮誕說洛陽景呵斷難矜漢
將雄當年御史今如面清白低流自向東

佛圖聖燈

胡聯雲

佛圖炯炯異光生傳說銀燈向夜明無數珠聯八九
點有明星列兩三縈金波崖畔朝來遠靈鷲峯頭掛

去輕川岳鐘竒原不測長留寶炬照山城

姜城夜

片石何年追琢成宛如半月地中生相傳免魄同弦
望自有蟾光共晦明酒醉欲尋吹管客詩狂猶憶撞
鐘聲姜侯義胆同秋月千載能忘想像情

羅純朝瀑

羅純山勢鬱崔巍瀑布奔流响若雷欲雨丹巖飛白
練積晴綠澗長青莓探寄莫問匡廬遠尋滂疑從仙
滌回何處更圖摩詰畫朝朝閒望白雲堆

白虎懸崖

廬山縣志

卷之次

三十七

峭壁嶙峋不可攀何年白虎踞中間炳文屢變風雲
色素質常餘冰雪斑誰復控弦能射石無人採藿漫
登山只今不肯歸林去俯瞰邊城鎮百蠻

百斛湧泉

龍門平地瀆清波吐吐頻來不用呵百斛淵渟方習
坎一泓澎湃已盈科汲來里井分甘露流出山溪作
巨河不是同源星宿海就中定有蛟龍窠

三江魚躍

水會三江一禹門錦鱗游泳若雲屯乘風破浪誇神
鯉鼓鬣騰空羨大鯤幾見滌眾浮綠水漫勞垂釣自

黃昏桃花春暖揚揚去踴踴還同沐聖恩

桔槔翻水

巧駕車輪百尺牢運轉江流日滔滔千畝原田資灌
溉八家同井足恩膏水行不用推移力旱魃無煩禱
祀勞軌里連鄉堪入畫耕餘把酒共醪醕

八月彩樓

西山取竹結岑樓衆手昇來里巷遊乍看金莖絢五
采轉疑寶塔掣三洲隆平氣象民情繪錦繡乾坤月
色浮四十八抬競勝罷滿城歌舞樂中秋
一籌邊

蘆山縣志

卷之次

三十八

總志云曩即天全六番諸部散處黎雅之間者宋時
屢為邊患孝宗乾道四年十一月砂平番首高志良
至碉門互市與居民鬪不勝乃請塞官喻炳陳炳決
責之志良啣恨去明年正月來攻碉門制置司遣李
俊禦之兵未至志良已有悔意欲償還所燒寨舍更
以錢贖罪守臣不能任其事付之兵官兵官既欲追
功而喻炳亦觀報怨遂潛入砂平焚其屋廬番人初
皆潛伏官軍乘勢擄掠番鳴角聚衆以出官軍失利
番人追至榮經蘆山而還明於天全六番設招討司
翼人時有爭訟者蓋境土相連勢使然耳

大清定鼎照明制天全六番高為正招討使楊為副招討司設經歷司一員於二司內則官為王官民為王民矣

屠巒雲南珥海人正德中知蘆山縣縣境與天全六番土官高繼恩楊世仁相接二氏凶暴虐下害及蘆山縣縣民有嘉柑美李以怕繫樹梢無敢動者土軍種縣田顆粒入天全而縣民為彼納稅巒為不平乃教縣民學弓矢民翻然奮怒人百其勇擒高氏用事豪僕繫縣獄高氏聚眾劫獄巒命其子追捕其子死焉以子此構兵高楊合併攻蘆山赤地白地鷄犬皆空

蘆山縣志

卷之次

三十九

奏聞於朝命遊擊將軍曹玉征之命下有司以間謀謀之先期楊氏擒高繼恩送按察司獄厥後高氏擒楊世仁亦送按察司獄皆伏斧鑕焉自是土官不犯蘆山皆屠巒之為先也典史汪浩署縣事繼巒之志欲復大渡舊城而形勢不便於是即姜城增拓築石城後而高楊猶據水東西水等處不容管轄蘆紳李必敬李彥虎以樊侯碑為憑控之當道而界限始定明胡龍詣闕奏請自飛仙關遡流上周村隔糧坡水分心山分嶺縣司之界井然有辨萬曆年間司界銅頭地方復行侵奪奉 檄雅州項國聲臨界挿斷後

竟無敢有越其尺寸者汪公久遠之謀胡龍之留心
地方項公之清直安靖皆繼之流亞也

蘆山縣西鄰楊王司楊氏自唐僖宗中和辛丑正月
率蜀扈從于牛衛將士十八人各屯於蜀之沿邊昭
宗嗣位即以汎地為爵土故楊瑞與高土司分民而
治土地相參土語相同曆宋逾元至明授天全六番
副招討使司楊愈征奢酋戰歿蒙其獎祀明末楊之
明糾同明宗室朱倅伊率兵拒流寇於蘆山飛仙關
兵衄被擄死於賊是時土軍頭目四十八人屢掠於
縣殺擄尤甚自楊氏族民議立楊常為官楊常生平

蘆山縣志

卷之次

四十一

僕寔無華

本朝定鼎之九年投誠爵土如故 高撫軍云土司忠
厚地方之福與蘆山連和縣司始安靜吳逆叛敗
總督趙將軍調揚先柱取小關山建昌有功加都督
僉事楊自唐襲職適董卜韓胡有內變沃日瓦寺相
繼蟠踞自唐於烏思藏得堅叅朗結庶子雍中乂立
保襲厥職

當路是焉康熙壬午

國家聲罪西瀘自唐率所部攻巖州達岡功最著奉請
老子高一柱襲職從事蘆山竹郎裔能詩能字學黃

輝筆法頗重中外有漫吟詩草集寫作俱佳行於世
吳逆叛敗賊兵回滇所過殘破一柱發土軍上守鎮
西山口下守飛仙關隘而叛兵不敢入蘆境蘆人遂
德之

總督趙將軍調助官軍取小關山通建昌有功加都
督僉事一柱生平寄情詩字不以是非得失為榮辱
對人談今古事津津春秋剡子之流風其存乎年五
十一始生子進征西瀘有功頒賜恤賞錫以封贈康
熙甲午子若璠嗣職辛丑遣兵為破藏前鋒 當路
奉聞命木下 地有賞番土番茶康熙丙戌始領

蘆山縣志

卷之次

四十一

引納課六番冬春以加魚錦鷄來聘如君臣禮女子
成人來參始嫁土人信服入於肌髓居則為民出則
為軍猶古制也與蘆連界自

國家太平日久風教遠訖與蘆民日相親近晏飲和樂
換工耕耘土人近蘆者凡布帛菽粟悉入蘆城貿易
蘆人亦至始陽地方集場出入無禁嫌疑不生使其
世為藩蔽亦曷可少焉

蘆邑南鄰高司在唐虞為和夷在商周為羌原無姓
自高朗閣藏始以為姓另有土語字義云羌呼父為
蒼即此地也所謂和夷者以有田可耕音語相通而

名之至有明世襲天全六番正招討司雄長諸酋自
蘆色屠侯清釐疆界後漸純王化征奢酋及平遵義
楊應龍屢有功明末甲申流寇入川成都失守獻忠
謂招討使高際泰際泰亦知其為寇也不肯屈服賊
兵壓境聲言盡勦際泰祖母張氏年九十三請為質
緩師抱病賊營際泰弟登泰代兄偽降救回祖母至
新津河蛇江河罵賊而亡此邊方之忠仁孝弟之不
可泯者也賊以李國傑來知蘆山縣事際泰糾合黎
州安撫司及楊土司護印夫人江氏攻國傑於蘆城
雖殺賊官而土司頭目或報私怨或利財物蘆色殺

蘆山縣志

卷之次

四十二

擄一空蘆人怨之及

本朝定鼎際泰走至川北投誠而土官如故康熙五六
年間縣正張啟鼎與際泰不睦稍有釁隙即遍詳上
憲縣司不往來者數年迨康熙十一年際泰

旨特加宣慰司宣慰使賜恤賞封土官雖舊而銜名一
新矣亦有賞番土茶康熙丙戌年始領引納課有子
二大業振業悉博古通經史走筆成詩文

皇朝以文治懷柔天下無遠弗屆夫人惟讀書故明理
惟明理故安分今高楊二土司能以詩禮傳家蓋籌
邊者所深幸而為第一着之要務也彼世譜謂瑞為

唐赤泉侯楊喜之孫也周唐侯叔虞之後粵東韋土
土官世譜亦傳韓淮陰之裔存姓之半天之崇報餘
勲大抵然也但與蘆邑連界人民密邇不以小嫌起
釁各守禮法內安外攘豈非
國家設是職以為藩籬之意乎

韓胡董卜金川之屬地也元時勒朵進金川貢請董
卜韓胡印歸而負固不屬金川取六村撫而有之列
川南五貢朝廷賜以雅州貢田其居處謂之寺歷明
世襲如故調徵奢酋事終加宣慰使司照例進貢彼
其地不能種禾黍惟麥稷菽豆而已以蘆山為鹽茶

蘆山縣志

卷之次

四十三

路出蘆則靈關巡檢司盤查無兵器始放行至蘆舊
大渡縣之東地名香房蠻店內暫寓縣人挾貨易之
買鹽米茶斤即回無敢有過河進城者奉 上司調
發報明巡檢司巡檢司報明縣正卜卜相維節節相
制其嚴如此屬雅州及黎雅遊擊管轄明末己亥年
犯蘆燒劫房屋牛馬而去庚寅為蘆山差頭張榮引
誘占蘆張榮等為千總凡蘆邑錢糧府庫盡入董卜
紳士被辱生殺由己者三載是時袁武二賊據嘉定
雅州等處張榮又指使出奪州城文遊擊進至飛仙
關兵寡不敵而回至嘉定請兵發張左協進征一從

飛仙方軌而進一從羅城新路出清源遮殺董卜宣
慰蠻官僅一身免因自殺張榮於小關子全家俱滅
人以為報應之不爽一也後宣慰蠻官亦無嗣以魚
通外甥承繼絕其種類人以為報應之不爽二也其
甥生烏兒結堅叅朗結二子

本朝定鼎烏兒結嗣職暴虐為堅叅朗結謀殺因其侄
於高寨不見天日六村謀復其侄殺朗結其侄隨病
亡通事楊玉台等招沃日據占高土司請調瓦寺兵
追沃日入巢穴而瓦寺亦謀占據董卜楊土司聞朗
結尚有庶子雍中七立入西藏為喇嘛使人求之歸

蘆山縣志

卷之次

四十四

撫軍于請命於

朝勅雍中七立承襲而董卜始定雍中七立於康熙五
十二年調征銅巢陣亡韓胡地北接金川雜谷而接
西瀘木鴉烏思藏訖吐番南出蘆山靈關今
太平一統無外
諸當路柔遠有方蘆山乃為寧宇也

蘆山縣志次卷終